



MEMORIA 2017


LUGARITZ
KULTUR ETXEA



DONOSTIA
SAN SEBASTIÁN



donostia
kultura



Ados Teatroyen *Idiot txou*.

Berriro ere, arte eszenikoek, antzerkiak eta musikak, hartu zuten Lugaritzeko urteko programazioaren zati handiena.

Antzerkiaren eremuan, **Cabaret Mutante** eta **Club Caníbal** konpainien antzezlanek interes handia piztu zuten, umorerik garratzena zerien testuinguruen barruan inplizituki eskaintzen zuten kritika sozial eta politikoagatik. Plano dramatikoago batean, **Javier Liñeraren** eta **Cuarta**

Pareden parte hartzea izan genuen eta, tonu erabat umoretsu batean, nabarmentzekoa **Ados Teatroyen *Idiot txou***. Eta nabarmentzekoa ere **Ignacio Andreuk** bere obrari eman zion tonu surrealista, eta baita **La propuesta**ren erabateko estreinaldia hainbat antzezle donostiarren eskutik, **Alazne Etxeberria** eta **Vega Iguarán** buru zirela. Aipatu beharrekoa ere **Compañía Reversok** Dferia jaialdian eskainitako emanaldia.

Imanol Larzabal aretoko eszenatokiak hainbat konpainiari eskaini zen beren lanak aurkezteko aukera: zenbait taldek **-Kemen, Tgorrieta, La Rata India, Ausartak,** besteak beste- eta **Gautenako** antzezle gazteek eskaini zituzten proposamenak.

Publikoaren aldetik oso harrera ona izan zuten **Markeliñe, Glu Glu** eta **Gorakadaren** proposamenek, eta askotariko teknikak eta diziplinak erabili dituzten Euskal Herriko kanpoko konpainiak ere ongi hartu dituzte ikus-entzuleek.

2017an, gainera, **Poltsiko Antzerkiaren** programazioarekin beste eszenatoki batzuk ere ukitu ziren **-Antigua, Igeldo** eta **Añorgako lokaletan-** eta foro berriak ere sortu ziren kalean, erregistro oso desberdinetako lanekin: **Trapu Zaharra** edo **Claire Ducreux** taldeek planteatutakoekin, esaterako. Antzerki atala ixteko, nabarmentzekoa da Lugaritzen mugaren bi aldeetako antzezleek osatutako **Cíe Hecho en Casa** konpainiak egin zuen **egonaldia**; hainbat jardunalditan **Cyrano** Frantziako klasikoaren egokitzapenaren euskarazko bertsioa prestatzen aritu ziren, eta horri lotuta hainbat tailer eta bisitaldi egin zituzten Ibai ikastolako ikasleekin.



Club Canibal taldearen *Herederos del ocaso*.



Gen Theater Companyren *Adele* antzezlan.



LUGARITZ KULTUR ETXEA



Javier Muguruza

Musika programazioa, gehienbat euskaraz, proposatutako estiloen heterogeneotasunagatik nabarmendu zen. **Jabier Muguruza** eta **Maddi Oihenart** bezalako beterranoez gain, haien soinuaren berezitasunagatik bereizten den **Kherau** talde bizkaitarra eta **Asier L.I.**ren musika pertsonal, elektroniko eta esperimental, poesia darien testuekin batera. Beste atal batean, **Pragako Haur Abesbatza Filarmonikoak** Ibaetako parrokiaren eskaini zuen emanaldi arrakastatsua aipatu behar dugu eta, nola ez, lehen mailako bertsolariek osatutako saioa, dagoeneko klasiko bilakatu den **Donostia bertsotan** ekitaldian. Urtea amaitzeko, **Luar na Lubre**ren emanaldi izugarri arrakastatsua nabarmenduko genuke, musikaren munduan egindako 30 urteak ospatzeko egindako biraren barruan.



Kherau.

Zinemaren atalean, **Giza Eskubideen Zinemaldian** ere parte hartu zuen Lugaritzek, eta nabarmentzekoa izan zen yogari buruz **Nicolás Gauthierrek** Indian egindako dokumentalak izan zuen harrera izugarri ona. Gainera, ikasleei eskainitako euskarazko zinemaren **Tinko** programa ere izan zen.

Kultur hiriburuaren ondare gisa, **Olatu Talka** programazioan, batik bat antzerkia, musika eta dantza hartu zituen Lugaritzeko eszenatokia eta Antiguako beste hainbat gune.

Erakusketek dagokienez, oso urte ona izan zela esan genezake, non nabarmendu behar dugun **Arkeolanekin** lankidetzan egindakoa euskal itsasertzean gertatutako naufragioen inguruko erakusketa, oso une hunkigarriak eragin zituen bertaratu ziren hildako itsasgizonen senideen eta lagunen artean.



Euskal Itsasertzeko 20 naufragio erakusketa.

Erakusketa horretako materialekin eta beste batzuekin batera liburu interesgarri bat editatu zen. Merezi du beste bi erakusketa ere aipatzek: **Ikerne Giménez**ena, espazio eszenografikoen sorkuntzara bideratua, eta **Aitziber Alonsorena**, liburuen ilustrazioaren eremuan oinarritua. Azkenik, aipatzekoa da emakume ugari jasaten duten sexu esplotazioa salatzen egindako erakusketa, eta baita **La Cornisa que cae** kolektiboarena ere, zenbait sortzaile donostiarren ingurukoa, haien bizitzari eta obrari buruzko bideo dokumental batzuen proiektioarekin osatua.

Urtean zehar egindako **ikastaroek eta tailerrek** ere, bai Kultur Etxean bertan bai Antiguako eta Ibaetako beste gune batzuetan, harrera ona izan zuten herritarren aldetik eta aipatzekoa da antzerki ikastaroetan izan zen ikasle gehikuntza.

Liburutegi zerbitzuari dagokionez, bikain funtzionatu zuten kontsulta eta mailegu zerbitzuek, dokumentu eta erreferentzia bibliografikoki lotutakoak, eta liburu elektronikoen *eliberutegiak*. Irakurketa bultzatzeko jarduerak ere fruitu onak eman zituzten: haurrei zuzenduta, **Ipuinaren Ordua** eta **Txikikluba**, eta helduei zuzenduta, **Literatura & kafea** eta **Giza Liburutegia**, Plus 55ekin lankidetzan. Gainera, aipatzekoa da **Iban Zalduren** partaidetza, zeinak tesi iradokitzaileak landu zituen euskal literaturaren inguruan **Liburutegien Eguna** zela-eta eskainitako solasaldian. Literaturak eta musikak bat egin zuten Literaktum jaialdiaren barruan, musika erreztaldi eta performance modura **Irati Jimenez** eta **Petti** tandemak eskainitako **Nigan, ispilu batean bezala** lanaren bitartez. Nagusientzako **Plus 55**eko jarduerak dagoeneko aipatu ditugun atal desberdinetan eragina izan bazuten ere, garrantzia berezia izan zuten **hondartzan** eta **Antiguako Merkatuan** egin ziren jarduerak esker, baita Kultur Etxearen barruan nahiz kanpoan sustatutako bideo-forum, solasaldi eta tailerren bitartez ere.

2017an berriro argi geratu zen gero eta handiagoa izan zela Merkaturako ekipamendua erabili nahi duten elkarleen eskaria, baita **Hautxoko** eta **Gazteleku** zerbitzua (orain gune horretan egun batez bakarrik eskaintzen da) zabaltzeko premia nabaria ere.



LUGARITZ

KULTUR ETXEA

JARDUERAK		
	KOPURUA	ERABILTZAILEAK
GUZTIRA	1.864	35.742
Antzerkia	87	9.235
Musika	19	2.209
Zinea	6	239
Hitzaldiak eta mahai inguruak	12	686
Erakusketak	6	1.956
Bilerak eta elkarten ekitaldiak	1.524	16.049
Liburutegiko jarduerak	44	905
Plus 55	41	1.252
Gaztelekua	63	623
Haurtxokoa	56	1.224
Olatu Talka	6	1.364
ZERBITZUAK		
	BISITAK	
GUZTIRA	41.394	
Liburutegiko bisitariak	35.421	
Haurtxokoa	1.402	
Gaztelekua	1.004	
Kzgunea	3.567	



Prestakuntza **EMAKUMEAK**

	GUZTIRA		EUSKERAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	60	594	18	143	42	451
2016/17 Ikastaroak	29	243	9	69	20	174
2017/18 Ikastaroak	31	351	9	74	22	277

Prestakuntza **GIZONAK**

	GUZTIRA		EUSKERAZ		GAZTELANIAZ	
	KOPURUA	ERABILTZAILEAK	KOPURUA	ERABILTZAILEAK	KOPURUA	ERABILTZAILEAK
GUZTIRA	60	241	18	74	42	167
2016/17 Ikastaroak	29	135	9	41	20	94
2017/18 Ikastaroak	31	106	9	33	22	73

BISITAK GUZTIRA: 111.678